

ԳՐԱՆՈՍՏՈՒԹՅՈՒՆ ԵՎ ՔՆՆԱԿԱՆՈՒԹՅՈՒՆ

Բ. Ն. ԱՌԱՔԵԼՅԱՆ «ՔԱՂԱՔՆԵՐԸ ԵՎ ԱՐԶԵՍՏՆԵՐԸ ՀԱՅԱՍՏԱՆՈՒՄ
X—XIII ԴԱՐԵՐՈՒՄ»

Հայկական ՍՍՌ ԳԱ Պատմության ինստիտուտը հրատարակել է պատմական գիտությունների դոկտոր-պրոֆեսոր Բաբկեն Առաքելյանի «Քաղաքները և արհեստները Հայաստանում X—XIII դարերում» աշխատության առաջին մասը, որն իրենից ներկայացնում է երկարատև, օղտակաւ աշխատանքի պտուղ և դիտական լուրջ հետազոտություն։ Հեղինակը նշում է, որ ներկա մենագրությունը մեջ չեն ընդգրկված միջնադարյան Հայաստանի քաղաքների պատմության բոլոր կողմերը, որ նրանց մի մասը լուսարանվելու է աշխատության երկրորդ մասում (Լջ 353)։

Ներկա մենագրությունը քաղկացած է երկու խոշոր բաժիններից, այն է՝ քաղաքների առաջացումն ու զարգացումը Հայաստանում IX—XI դարերում և արհեստները Հայաստանում IX—XIII դարերում։ Հիշյալ երկու բաժիններին նախորդում է ընդարձակ ներածություն, որտեղ հեղինակը քննական վերլուծության է ենթարկում քաղաքների և քաղաքային կյանքի մասին եղած աղբյուրները և գնահատում հիշյալ աղբյուրներն ըստ արժանվույն։ Քաղաքների մասին հեղինակի գնահատության չափանիշը մարքսիստական տեսությունն է։ Զբաղարարվելով միայն այն աղբյուրների տեսությամբ, որոնք անմիջականորեն վերաբերում են քննարկվող նյութին, հեղինակը ամենայն բարեխղճությամբ տեսական քննության է ենթարկում նաև այն աղբյուրները, որոնք ավել կամ պակաս չափով առնչվում են իր թեմայի հետ, տալով լուրաբանչյուրի հակիրճ բնութագրությունը։ Այս ներածական երկակի նշանակություն ունի Մի կողմից՝ ժանոթանում է քաղաքների վերաբերյալ հեղինակի պատմագիտական հիմնական ելակետային դրույթների հետ, իսկ մյուս կողմից՝ հիշյալ ներածական աղբյուրագիտական մի արժեքավոր ուղեցույց է ժանոթանալու ոչ միայն միջնադարյան Հայաստանի քաղաքների վերաբերյալ, այլև հին և միջնադարյան Հայաստանի պատմության շատ ու շատ կողմերի վերաբերյալ եղած աղբյուրների հետ։ Այդ մենք համարում ենք ներկա աշխատության առաջին (ոչ թե ըստ նշանակության, այլ ըստ հերթականության) ու կարևոր արժանիքներից մեկը։

Գրքի առաջին բաժինը շարադրված է հետևյալ հաջորդականությամբ։ Առաջին գլխում բնութագրվում են ենթարկված ֆեոդալական քաղաքի կազմավորումը Հայաստանում և Հայաստանի քաղաքները IX—XI դարերում։ Այստեղ հեղինակը հանգամանորեն քննության է առնում ֆեոդալական քաղաքի առաջացման հարցն ընդհանրապես։ Ընկ. Բ. Առաքելյանը շատ լայն պլանով քննում է ֆեոդալական քաղաքների առաջացման վերաբերյալ զանազան տեսակետներն ու տեսությունները, ինչպես, օրինակ, այսպես կոչված մարկի կամ համայնքի տեսությունը, շուկայական տեսությունը, քաղաքը որպես տարանջիկ առևտրի հետևանք ընդունողների տեսակետը և մի շարք այլ անճիշտ տեսություններ, որոնք բոլորն էլ իրավացիորեն մերժվում են հեղինակի կողմից։ Հենվելով ֆեոդալական քաղաքների առաջացման մասին մարքսիզմի կլասիկների ասույթների վրա, ընկ. Բ. Առաքելյանն անդնում է Հայաստանի քաղաքների առաջացման սոցիալ-տնտեսական պայմանների քննությանը։ Հեղինակը նախ համառոտ ակնարկ է տալիս Հայաստանի հնագույն քաղաքների և նրանց անկման պատճառների մասին (Լջ 32—37), ապա անցնում միջնադարյան քաղաքների առաջացման բուն պատճառների վերլուծությանը։

Հայտնի է, որ IX—XIII դարերը Հայաստանի տնտեսական ու քաղաքական զարգացման պատմության մեջ բնութագրվում են որպես զարգացած ֆեոդալիզմի ժամանակաշրջան։ Զարգացած ֆեոդալիզմի բնորոշ գծերից մեկը Հայաստանում այն էր, որ այս շրջանում տեղի ունեցավ հողային սեփականության ձևերի էվոլյուցիա ու այդ հիման վրա ձևավորվեց խոշոր ֆեոդալական, ինչպես նաև եկեղեցական-կալվածատիրական տնտեսությունը, որի զարգացումն առաջացրեց տնտեսական կյանքի հուժկու վերելք իր հետևանքներով հանդերձ։ Այդ տնտեսական զարգացման ամենամոթերգավոր հետևանքներից մեկն էլ հանդիսացավ ֆեոդալական քաղաքների առաջացումն ու զարգացումը։ Քաղաքների առաջանալն ու զարգանալը համարելով աշխատանքի հու-

սարակական բաժանման, երկրի ներկին զարգացման արգասիք, ընկ. Առաքելյանը հատուկ խնդիր է հանդիսանում Հայաստանի տնտեսական զարգացումը և երկրի անկախության վերականգնումը IX դարում, մատնացույց անելով այն վճռական պարագաները, որոնցով էլ հենց սլավոնալորված էր երկրի զարգացման նոր աստիճանը: Հեղինակը ցույց է տալիս զարգացած ֆեոդալիզմի անցնելու հետևյալ հիմնական գործոնները. ա) ժառանգական խոշոր հողատիրության ամրապնդվելը և ֆեոդալական խոշոր կալվածքային տնտեսությունների զարգանալը, բ) գյուղացիների ճորտացման պրոցեսը և այդ պրոցեսի հետզհետե խորանալը, գ) աշխատանքի բաժանման հիման վրա արհեստների առանձնանալը երկրագործությունից, առևտրի զարգացումը և այդ ամենի հիման վրա ֆեոդալական քաղաքի ձևավորումը (էջ 38):

Չի կարելի չնշել, որ անցյալի պատմական ուսումնասիրություններում բաղաձեռնի առաջացման բուն պատճառները կամ բոլորովին հաշվի չեն առնվել կամ թե մղվել են հետին պլանի վրա, և վճռական նշանակությունը տրվել է արտաքին գործոններին ու Հայաստանի աշխարհագրական դիրքին: Այսպես, ակադեմիկոս Մանանդյանը բաղաձեռնի զարգացման գլխավոր և կարևոր է ասել միակ պատճառը համարում էր Հայաստանի արտաքին բաղաձեռնի վիճակը և դրանով պայմանավորված տրանզիտային առևտրի զարգանալը: Ռազմատնիկների հովանավորության տակ զարգացող մեծ առևտրի վերակենդանացմանը պետք է վերագրել, անշուշտ, թե Հայաստանի տնտեսական բարգավաճ վիճակը և թե հոյակապ քաղաքների հիմնումն ու նրանց բուռն ու արագ աճումն այս ժամանակաշրջանում: Հայաստանի տնտեսական վերածնունդն, նրա քաղաքային կյանքի ծաղկման վերաբերյալ այսպիսի պատճառաբանությունը, անշուշտ, միակողմանի է ու թերի: Այստեղ, ինչպես տեսնում ենք, առաջին պլանի վրա են բաշխված արտաքին կարգի գործոնները և չի խոսվում ներքին տնտեսական գործոնների մասին, որոնք ոչ թե երկրորդական, այլ վճռական դեր են խաղացել քաղաքների առաջացման ու զարգացման գործում: Ինչ-վիճելի է, որ Հայաստանի աշխարհագրական դիրքը՝ տրանզիտային գլխավոր ճանապարհի վրա, ինչպես և ստեղծված արտաքին քաղաքական սիտուացիան որոշ նպաստավոր դեր խաղացել են Հայաստանի քաղաքների զարգացման գործում: Սակայն այդ քաղաքային պատմության չի տալիս այն հարցերին, թե ինչպես առաջացավ քաղաքային բնակչությունը իրեն հատուկ զբաղմունքով, կապված էր արդյոք այդ պրոցեսը գյուղի արտադրողական ուժերի զարգացման հետ, քաղաքների առաջացմամբ ու զարգացմամբ ի՞նչ ներքին հսկասություններ էին ծագում ու լուծվում և այլ բազմաթիվ հարցեր:

Կարճ ասած, Հայաստանի միջնադարյան քաղաքների զարգացման մասին առաջ բաշխված հիշյալ տեսությունը աչքաթող է անում ֆեոդալական հասարակարգի սոցիալ-տնտեսական հակասությունները, որոնց հիման վրա էլ առաջացել ու զարգացել են քաղաքները:

Ֆեոդալական տնտեսության զարգացումը և այդ հիմքի վրա գյուղացիության մի մասի ճորտացումն ու շահագործման ուժեղացումը, որ մասնավորապես ծավալվեց X դարից սկսած, խոշոր կալվածատիրական և վանքայնական տնտեսություններում առաջ բերեց հավելյալ արդյունքի մասսայական արտադրություն: Ֆեոդալական ռենտայի երեք ձևերի միաժամանակյա ստեղծումը հնարավորություն էր տալիս թագավորական իշխանություններին, ֆեոդալներին և բազմա հոգևորականությանը հասարակական հարստության նշանակալի մասն օգտագործել բերդերի, սլավոնների, վանքերի շինարարության համար: Գյուղացիների ստեղծած հավելյալ արդյունքը նյութական հիմք էր ստեղծում կուլտուրայի բազմազան ձևերով դրսևորվելու համար, այդ թվում նաև քաղաքային կուլտուրայի դրսևորման համար: Ֆեոդալիզմի արտադրողական ուժերի զարգացումը նշանակում էր ոչ միայն գյուղատնտեսական արտադրության զարգացում, այլև աշխատանքի հասարակական բաժանման խորացում, որը հետզհետե արհեստնականացում էր երկրագործությունից և կենտրոնացնում հին քաղաքատեղերում, ամրոցներում, վարչական կենտրոններում, որոնք և վեր էին անցնում ավանների, ապա և քաղաքների: Այդ պրոցեսին շատ շարժիչ խթանում էր այն, որ եթե ճորտացումից միայնով գյուղացին և արհեստավորը ապաստանում էին քաղաքներում, նրանք ազատագրվում էին ճորտագործությունից, ուստի այդ հիման վրա էլ, տեղի էր ունենում գյուղացիների և արհեստավորների հոսանք գյուղից դեպի քաղաքները և քաղաքի վերածվող ավանները, որտեղ այդ տարրերը տնտեսական գործունեություն էին ծավալում: Քաղաքների առաջացմանն ու զարգացմանը խթանում էր նաև ազարակային տնտեսության զարգացման հիման վրա այնտեղ կատարվող աշխատանքի բաժանումը:

Ի տարբերություն քաղաքների առաջացման ու զարգացման վերաբերյալ անցյալի ոչ ճիշտ

¹ Հ. Մանանդյան, Հայաստանի քաղաքները X—XI դարերում, էջ 11:

տեսակետների, բնկ. Առաքելյանը՝ քաղաքների առաջացումն ու զարգացումը համարելով երկրի էներգիան կյանքի զարգացման արգասիք, իհարկե, չթերագնահատելով նաև արտաքին քաղաքական ու տնտեսական պայմանների նշանակությունը, գիտականորեն արժեքավորում է Հայաստանի քաղաքների առաջացումն ու զարգացումը IX—XI դարերում (տե՛ս էջ 58—70), Ավարտելով Հայաստանի միջնադարյան քաղաքների առաջացման ու զարգացման հարցերի քննությունը, բնկ. Առաքելյանն իր աշխատության երկրորդ գլխում մանրամասնորեն քննության է ենթարկում քաղաքների տեղաբաշխվածությունը Հայաստանի տերիտորիայի տարբեր մասերում՝ քաղաքները և գյուղաքաղաքները Բաղրատունյաց թագավորության մեջ, Սյունիքում, Վասպուրականում, Տարսնում և Ծոփքում, Հայաստանի արևմտյան մարզերում և այլն: Անհրաժեշտ է մատնանշել, որ հեղինակը տալիս է յուրաքանչյուր բաղադրի և գյուղաքաղաքի մանրամասն նկարագիրը (էջ 71—118): Թե ինչպես և ծագել ու զարգացել Հայաստանի քաղաքները, այդ մասին մենք ունեցել ենք ինչպես հայ, նույնպես և օտար պատմիչների ու աշխարհագիրների վկայությունները, որոնք բերված են ակադեմիկոս Մանանդյանի աշխատություններում: Մանանդյանի բերած տվյալները, սակայն, սպառիչ չեն, իսկ քաղաքների քանակի վերաբերյալ տվյալները հաճախ չափազանցված: Շատ կարևոր է քաղաքների բնակչության բնահանուր հարցը, որը նկատմամբ անցյալի հեղինակները բավարարվել են միայն առանձին նշումներով: Այս տեսակետից էլ բնկեր Առաքելյանի աշխատությունը նոր խոսք է ասում: Առաքելյանի մենագրության մեջ ո՛չ միայն շարադրված է IX—XI դարերում Հայաստանի քաղաքների առաջացման ու զարգացման գիտական մեկնությունը, այլև փաստական հարուստ նյութերի վերլուծության հիման վրա, ճշտված է քաղաքների թիվը, յուրաքանչյուր քաղաքի և գյուղաքաղաքի առաջացման ժամանակաշրջանը, ինչպես նաև դրանց դասակարգումը, ըստ նրանց խաղաղած դերի երկրի կյանքում: Հետևելով քաղաքների և գյուղաքաղաքների առաջացման պատմական բնութագրին, բնկեր Առաքելյանը կազմել է մի հատուկ աղյուսակ, որտեղ ցույց է տրված, թե սկսած IX դարից ինչ քաղաքներ ևս առաջացել (տե՛ս էջ 124):

Հայաստանի քաղաքներն ըստ նրանց տնտեսական նշանակության և խոշորության պրոֆ. Առաքելյանը բաժանել է չորս խմբի: Առաջին խմբին են դասված Անին, Դվինը, Կարսը, Արծնը, Կարևո քաղաքը, Երզնկան, Արճնշը, Վանը, Մանազկները, Խյավը, Բաղեշը, Նիքիերտը: Ըստ բնակչության թվի իրենց մեծությունը առանձնանում են Անին և Դվինը, որոնցից յուրաքանչյուրն ունեցել է 70—100 հազար բնակչություն, Արծնի բնակչության քանակը, ըստ այն տվյալների, որ բնկեր Առաքելյանը համարում է չափազանցված, կազմել է մինչև 150 հազար: Ըստ պրոֆ. Առաքելյանի բերած տվյալների, մեծ քաղաքների բնակչության բնահանուր թիվը կազմել է մոտավորապես 400 հազար մարդ: Միջին մեծության քաղաքների բնակչության թիվը կազմել է ավելի քան 100 հազար մարդ: Ի մի խմբի մտնում են քաղաքների և գյուղաքաղաքների բնակչության վերաբերյալ տվյալները, կստանանք առնվազն 560 հազար մարդ:

Փրբի երկրորդ բաժինը նվիրված է արհեստների զարգացմանը: Աշխատանքի հասարակական բաժանման հիման վրա արհեստի անչափվել երկրագործությունից և նրա կենտրոնացումը քաղաքներում: Ֆեոդալական քաղաքին տալիս էր գաղատկարգային բարդ կառուցվածք: Քաղաքների էկոնոմիկային դեմը տվող առաջին և գլխավոր դործոնը գաղատում էր արհեստը, իսկ գյուղատնտեսությունը քաղաքներում ծառայում էր որպես օժանդակ ճյուղ և մատնացույց անում քաղաքային կյանքի զարգացման հետագա հնարավորությունները: Չնայած այս իրողությանը, Հայաստանի քաղաքներին վերաբերող անցյալի ուսումնասիրություններում անվերապահորեն հուշատվում էր այն ոչ ճիշտ տեսակետը, թե քաղաքների հարստության գլխավոր աղբյուրը միջազգային տարանցիկ առևտուրն էր, իսկ արհեստների դերը քաղաքային կյանքում գիտվում էր որպես մի օժանդակ կողմ: Արհեստների մանրակրկիտ վերլուծությունը, որ կատարված է զբաղվող աշխատության մեջ, ավելորդ անգամ հերքում է արհեստի խաղաղած դերի մասին սխալորդ պատկերացումները: Արհեստների, որպես քաղաքային կյանքի մեջ վճռական նշանակություն ունեցող կողմի անտեսումը, մասնավորապես բացահայտ է ակադեմիկոս Մանանդյանի քաղաքներին նվիրված մենագրություններում²: Հայաստանի քաղաքներին նվիրված աշխատությունների շարքում պետք է նշվի բնկ. Վ. Արքաճամյանի «Արհեստների Հայաստանում» մենագրությունը և հետաքրքիր աշխատությունը, որտեղ քննված է Հայաստանի արհեստների զարգացումը IV—XIII դարերում³: Ընկ. Արքաճամյանի այս օգտակար աշխատանքն իր արժանիքներով հան-

Տե՛ս նաև Վ. Մանանդյան, Հայաստանի քաղաքները X—XI դարերում, էջ 26:

³ Տե՛ս Վ. Արքաճամյան, Արհեստները Հայաստանում IV—XIII դարերում, Երևան, 1936:

զերծ, դժբախտաբար իր վրա կրում է փոխանակալի կոնցեպցիայի ազդեցությունը: Խոսելով Հայաստանի տնտեսական-քաղաքական կյանքի զարգացման մասին IX—XI դարերում, ընկ. Աբրահամյանը արհեստների զարգացման, ինչպես և ներքին շուկայի առաջացման ու զարգացման պատճառը համարում է արտաքին առևտուրը: Ընկ. Աբրահամյանը գրում է. «Հայ մատենագրական աղբյուրները ցույց են տալիս, որ այս շրջանում Հայաստանի հյուսիսային մասում գտնվող վերահիշյալ քաղաքները՝ ներգրավվելով արտաքին առևտրի մեջ, կարողանում են ստեղծել իրենց համար միաժամանակ փոխանակության ներքին շուկա, որի հիման վրա կենտրոնական քաղաքներում արագ խափով զարգանում են թև՝ առևտուրը և թև՝ արհեստները»⁴: Այսպիսով, ըստ ընկ. Աբրահամյանի, արտաքին առևտուրն ստեղծում է ներքին շուկա, իսկ ներքին շուկան, իր հերթին, զարգացնում է առևտուրը և արհեստը: Ամենից առաջ ներքին շուկան, որպես տնտեսական կատեգորիա, ուղղակի հետևանք է ապրանքային տնտեսության զարգացման և ստեղծվում է նրանով, իսկ ներքին շուկայի խորացումը որոշվում է աշխատանքի հասարակական բաժանման աստիճանով: Ուրեմն, ո՛չ թե առևտուրն ու արտաքին շուկան են ստեղծում արհեստ, այլ ճիշտ հակառակը՝ արտադրությունն է կյանքի կոչում առևտուրը: Հետևաբար ոչ ճիշտ պիտի է համարել նաև ընկ. Աբրահամյանի այն պնդումը, որ իբրև թե արտաքին առևտուրն է իրիստ նույնատեղի Հայաստանում արհեստների ճյուղավորմանն ու զարգացմանը:

Արհեստը՝ ահա զարգացած ֆեոդալիզմի շրջանի քաղաքների էկոնոմիկայի գլխավոր ճյուղը, որն արտադրության միջոցներ է արտադրում իր համար, գործիքներ գյուղատնտեսական աշխատանքների որոշ տեսակների համար, որոշ չափով վերամշակման է ենթարկում գյուղատնտեսական հումքը, որի զգալի մասը առևտրի և փոխանակության միջոցով իրացվում է ըստ տնտեսական նշանակության: Ի տարբերություն ընկեր Աբրահամյանի, պրոֆ. Առաքելյանը ցույց է տալիս, որ արհեստների զարգացումը հետևանք է աշխատանքի հասարակական բաժանման և տալիս է արհեստների առանձին տեսակների մանրամասն բնութագրությունը: Եթե մենք ցանկանանք գրախոսվող աշխատության մեջ քննարկված բոլոր արհեստները խմբավորել ըստ նրանց թողարկած արտադրանքի տնտեսական նշանակության, մենք կունենանք արհեստների հետևյալ խմբերը.

1. Արհեստներ, որոնց թողարկած արտադրանքը ծառայել է արհեստի տարբեր տեսակների համար որպես արտադրության միջոցներ, ինչպես նաև գյուղատնտեսության համար որպես արտադրագործիքներ: 2. Արհեստներ, որոնց թողարկած արտադրանքը ծառայել է որպես սպասման առարկաներ, անկախ այն բանից, թե դրանք օգտագործվել են երկրի ներսում, թե արտուհանվել են երկրից դուրս: 3. Արհեստներ, որոնց արտադրանքը ծառայել է որպես պերճանքի առարկաներ ֆեոդալների, հոգևորականների և պալատական իշխանավորների պահանջները բավարարելու, ինչպես նաև այնպիսի արհեստներ, որոնք ծառայել են զանազան պալատների, վանքերի, բերդերի շրջությունը ձևավորելու համար:

Արհեստների առաջին խմբին են վերաբերում մետաղի և փայտի մշակման հետ կապված արհեստները, այն է՝ դարբնությունը, պայտարությունը, հյուսնությունը և այլն: Արհեստների այս խմբի վերաբերյալ գրքում օգտագործված են հարուստ նյութեր՝ հայտնաբերված մասնավորապես Դվինի և Անիի պեղումներից: Ընկ. Առաքելյանը ցույց է տալիս, որ պրոֆեսիոնալ հանրագործները, որոնք հին Հայաստանում կոչվում էին հանքագործը, կամ հանձուհատը, հանքաբարը հանելուց բացի, ամենապրիմիտիվ եղանակով անցառում էին մետաղը, ուր հետո անցնում էր դարբինների արհեստանոցը՝ վերամշակելու և նրանից զանազան գործիքներ ու հարմարանքներ պատրաստելու համար: Երկաթը նախ ենթարկվում էին հալման, ապա կոման: Հալելու համար, որպես հիմնական միջոց ծառայում էր դարբնի հնոցը, որտեղ լցվում էր բովախառնուրդը՝ փայտը կամ ածուխը և հրկաթը: Հնոցում լցված բովախառնուրդը շիկացնելու նպատակով օգտագործվում էր փուխը, որի միջոցով անընդհատ օդ էր մղվում դեպի հնոցի ներսը: Հնոցում շիկացած երկաթը դուրս էր բերվում հասուկ ունեյիների օգնությամբ և դրվում սալի վրա, ուր և կոման էր ենթարկվում: Կոման հիմնական գործիքը կռան էր կամ մուրճը: Պրոֆ. Առաքելյանը նշում է, որ կռելուց բացի, հարկ էր լինում կատարել նաև զողում: «Ծատ խոշոր նշանակություն ուներ զողը կամ զողիլը, այսինքն երկու կտոր երկաթ կամ երկաթի ու պողպատն իրար կպցնելու: Զողված են եղել Գառնիում գտնված մի եռաժանի և Դվինի միջնաբերդում գտնված բահը, իսկ նույն տեղում գտնված երկաթե խողովակի երկայնությամբ նկատ-

⁴ Ն ու յ ն տ է դ ու մ, էջ 18—19:

⁵ Ն ու յ ն տ է դ ու մ, էջ 19:

վում է զոդման համար օգտագործված պղնձի կարքա (էջ 135), Առանց զոդման տեխնիկայի հնարավոր չէր լինի պատրաստել դիմացկուն խոփեր, բահեր, գերանդիներ, սայլի ղողեր, իրենց հենց դարձնել շատ ու շատ գործիքներ: Հենվելով հնավիտական նյութերի վրա, պրոֆ. Առաքելյանը նշում է, որ զոդման տեխնիկայի զարգացման ասպարեզում Հայաստանը կանխել է Արևմտյան Նվրոպային, որտեղ երկաթե խողովակներ ավելի ուշ են պատրաստվել: Դարձնելով արհեստի զարգացումը զուգորդվում էր այդ արհեստը հետզհետե բաղկացուցիչ մասերի տրոհվելու հետ, նրանից անջատվում էին արհեստավորների հատուկ խմբեր, որոնք զբաղվում էին միայն փականագործությամբ, ուրիշները պայտարությունում, զինագործությամբ և այլն: Առաջին խմբին պատկանող արհեստներից միջնադարյան Հայաստանում լայն տարածում են ունեցել նաև հյուսնությունը և ատաղձագործությունը, առանց որոնց զարգացման հնարավոր չէր ունենալ այնպիսի մասսայական նշանակություն ունեցող գյուղատնտեսական գործիքներ, ինչպիսիք էին արորը, փայտե գութանը, փոցխը, եղանը. սայլը, ջուլհակության համար՝ իլիկը, հասարակ ճախարակը, գործելու պրիմիտիվ հաստոցը և այլն:

Սպառման առարկաներ արտադրող արհեստի ճյուղերից պետք է նշվի նախ և առաջ ջուլհակությունը, որը տարածված է եղել ինչպես քաղաքում, այնպես էլ գյուղում: Խարսխված լինելով գյուղատնտեսական հումքի վրա, այդ հումքի արդյունաբերական մշակումը, բացի քաղաքից, կատարվում էր նաև գյուղում: Այստեղ այդ վերամշակումը չէր անջատվում գյուղատնտեսությունից և չէր դառնում առանձին արհեստագործություն: Ֆեոդալական-կալվաժատիրական խոշոր տնտեսությունը անձնական սպառման համար արտադրում էր այն ամենը, ինչ հնարավոր է վերամշակել կալվածքում: Հողագործության, անասնապահության, որսի և այլ պրոդուկտները, որոնք ստացվում էին ֆեոդալի տնտեսությունից, ինչպես և այն, որ ֆեոդալներն ստանում էին գյուղացիներից, նախ՝ գնում էին սպառման համար: Դրա նշանակալի և թրեւս արժեքավոր մասը գնում էր վաճառքի և հետևապես չէր անցնում վերամշակման բովից, սակայն որոշ մասն էլ վերամշակվում էր հենց ֆեոդալական կալվածքում, ուստի և այնտեղ աշխատողները միջին դուրս էին գալիս հատուկ արհեստավորներ՝ ջուլհակներ, կարողներ, հացթուփներ և այլն: Սպառման և տնտեսական կարիքների համար բամբակի և բրդի մշակումը, կտավի և հասարակ մահուդի պատրաստումը նշանակալի չափով տարածված էր գյուղերում: Ջուլհակությունը որքան էլ հանդիսանար գյուղացիների օժանդակ զբաղմունքը, նա քաղաքում կազմել է հատուկ արհեստ, որի արտադրանքը սպառվել է քաղաքային բնակչության բոլոր շերտերի կողմից, ինչպես և երկրից դուրս է արտահանվել: Հիշյալ բոլոր տեսակի արհեստները շատ մասնաժամանակն են գրախոսվող գրքի երկրորդ բաժնում:

Գրքի վերջին գլխում քննության է առնված արհեստագործության անջատման պրոցեսը հողագործությունից, արհեստների որոշ տեսակների տարածվածության աստիճանը գյուղում: Հեղինակը ճշտորեն նշում է, որ արհեստները գյուղում համեմատած քաղաքի հետ, սահմանափակ տարածում ունենին, որ գյուղի արհեստավորների աշխատանքը ցածր արտադրողականություն ուներ: Վերջում շատ համառոտ կերպով նշվում է ընդհանուր կամ մայր արհեստների տրոհվելը բաղկացուցիչ մասերի, որպես աշխատանքի բաժանման հետագա խորացման արգասիք:

Սկզբունքային առարկություններ շունենալով գրքում քննարկված հիմնական հարցերի դեմ, ուզում ենք նշել մեթոդական կարգի որոշ թերություններ: Մենք կարծում ենք, որ գրքի առաջին գլուխը (բացի առաջին ենթագլխից) նկատելի չափով ձգձգված է: Մասնավորապես ձգձգված է այդ գլխի շորտող ենթագլուխը, որտեղ հեղինակը ընթերցողին նախապատրաստում է Հայաստանի բաղաձայնի առաջացումը ճշտորեն ըմբռնելու համար: Քննության առնելով գյուղատնտեսական կուլուրաների տարածվածության հարցը Հայաստանում, ընկեր Առաքելյանը ոչ միշտ է, որ պատմական սահմանագծերը պահպանում է: Բավականաչափ ձգձգված են շարադրված նաև արհեստի տարրեր տեսակները: Այստեղ հեղինակը շատ է տարվել արհեստների առանձին տեսակների տեխնիկայի մանրամասներով, արտադրանքը պատրաստելու պրիմիտիվ հարցերը պարզաբանելով և այլն: Այս մասնակի բնույթ կրող թերությունները, սակայն, ոչ մի չափով չեն խեղում գրքի բացահայտ արժանիքները և ոչ էլ վնասում են նրա բովանդակությանը: Գիրքն իր կառուցվածքով, հարցերի դրման, լուծման եղանակով, իր խորությամբ ու մեթոդով և գիտական մակարդակով կարևոր ներդրում է հայ ժողովրդի պատմության և մասնավորապես միջնադարյան Հայաստանի քաղաքային կյանքի պատմության ուսումնասիրության ասպարեզում: Ընթերցողը չի կարող չնկատել նաև գրքի խմբագիր՝ Լ. Խաչիկյանի կատարած շնորհալի աշխատանքը:

Հ. Ե. ԹՈՒՄԱՆՅԱՆ